

սանդրապոլի վրայով անցնելու Ձուլֆա և այդ մասին ոչինչ չհաղորդեցին ինձ: Ես բողոքեցի նման ընթացքի դէմ»:^{*})

Ալեքսանդրապոլ—Ձուլֆա երկաթուղադիժը իրենց տրամադրելու պահանջը թիւրքերը հետապնդում էին շատ խիստ կերպով: Եւ մինչ երկու պատերազմութիւնների միջև սկսեց օրեր տեղ գրաւոր վէճ Բրեսաւ—Լիտով—սկի շուրջ, երկու կողմից կազմուած մի յատուկ զինուորական յանձնախումբ քննում էր այս պահանջը: Թիւրքերը պնդում էին, որ երկաթուղին տրւի իրենց, որպէսզի օր առաջ զօրք հասցնեն անգլիացիներին դէմ. Անդրկովկասի ներկայացուցիչները՝ զօր. Օդիշելիձէն և զօր. Ղորղանեանը հակառակում էին՝ առարկելով, որ այդ հարցը կարող է վճռուել միայն ընդհանուր դաշնագրի ստորագրութեամբ:

Յուսահատուած խաղաղ միջոցով երկաթուղին ստանալու մտքից՝ մայիս 14 լոյս 15-ի գիշերը թիւրքերը ներկայացրին վերջնագիր, որ մայիս 15-ի առաւօտեան ժամը 7-ին Ալեքսանդրապոլը յանձնւի իրենց, և հայկական զօրքերը քաշեն 25 կիլոմետր դէպի արեւելք: Եւ առանց պատասխան ստանալու, մայիս 15-ի առաւօտեան ժամը 2-ին, Ալեքսանդրապոլի դէմ գործող թիւրք զօրքերի հրամանատարը վերջնագրի թիւրքերէն պատճէնը ուղարկեց Ալեքսանդրապոլի հրամանատարին՝ պահանջելով մինչև ժամը 6 դատարկել քաղաքը: Հազիւ մինչև ժամը 6 ու կէսը կարելի եղաւ թարգմանել թուղթը, այն ինչ ժամը 6-ից սկսեց քաղաքի ոմբակոծումն ու թիւրքերի յարձակումը: Հայկական բանակը յանկարծակիի եկաւ և շտապով նահանջեց: Ալեքսանդրապոլն անցաւ թիւրքերի ձեռքը:

Հայկական զօրքերի նահանջը, զօր. Նաղարէզեանի կարգադրութեամբ, կատարեց երկու ուղղութեամբ. հայկական առաջին դիվիզիան և շրջ դիվիզիայի 7րդ և 8րդ դնդերը անցան դէպի Գէոք—Նոզուշ—Բեքեանդ—Աւզիբէկ—Փամբ դիւղադիժը: Զիւտոր բրիգադը, իբրև յետապահ, մնաց Չրախլու դիւղում: Առաջին և երկրորդ բրիգադները շրջ ձիւտոր դնդի հետ շարժեցին Սարդարապատի ուղղութեամբ՝ զօրացնելու համար Երևանի զօրամասը: Անդրանիկին, որ մայիս 1-ից ի վեր գրաւում էր Գիւլլի Բուլաղը, հրամայեց պահպանել Ախալքալաք և Վորոնցովկա տանող ճանապարհները, սակայն, նա չմնաց այնտեղ և քաշեց—դնաց Ձալալ—Օղլի:

Այսպիսով, տարածուած լայն ճակատով, հայ զօրքերը պաշտպանում էին հայկական շրջանները: Թիւրքերը քայլ առ քայլ յառաջանում էին և մայիս 22-ին գրաւեցին Համամլու կայարանը, որով բացւում էր Երևանի ճանապարհը: Երևանից շտապով նրանց դէմ Բաշ—Աբարան ուղարկեց մի զօրամաս Դրօի գլխաւորութեամբ: Բացի այդ, միջոցներ ձեռք առնեցին ամբացնելու Ղարաքիլիսայի ճակատը: Զօր. Նաղարէզեանը մի կոչ ուղղեց զօրքին, որով դիմում էր նրանց հայրենասիրական զգացմունքներին և հրաւիրում կատարել իրենց պարտականութիւնները ժողովրդի հանդէպ: Կարելի եղաւ կանգնեցնել ու կարգի բերել նահանջող զօրամասերը: Յուսալքումը տեղի տեց ողբերգութեան:

^{*}) I. Lepsius, Deutschland Und Armenia, Berlin, 1919.